

色堂神禧 薦福典隨 驛路規通
咽服梁窺 曆奔庚和 彌鏡蘊微
造星車襪 回黃星微 饒正絕仰
徒姦報鏡 越懸湯宥 曹巖在佃
卓頌堯甫 辨莽揚艾 紉資雲瑞
朔光迢泰

北方八天

畫語瓊都 壯君陰拘 勿淑令趣
碧駢謨符 洛道綿博 映陞乾秀
錠累布酉 拙傲晉醇 熾餅具扶
烈命莽斗 戀正悽極 動成款紐
轉霞綠網 凝天扁陽 吳投吉羅

薄辰侶祥

道言此諸天中大梵隱語無量之音舊文刻
書鄴城蘭臺九阿之上使兆殃種不生為道
正真逍遙無物字皆廣長一丈玄光真人昔
書其文以為正音有知其音能齋而誦之者
諸天皆遣考察真官下觀其身書其功勤上
奏諸天萬神朝禮地祇侍門大功真王保舉
北元道備魁得遊行三界升入金門此音無

所不辟無所不權無所不度無所不成天真
自然之音也故誦之致考茶下觀上帝遙唱
萬神朝禮三界侍軒羣林東首鬼精自亡琳
琅振響十方肅清河海靜默山嶽吞煙萬靈
振伏招集塵僊天無氛穢地無杖塵冥慧洞
清大量玄玄也

元始無量度人上品妙經卷之四十

正一天師清微弟子百堅製作
道教學術研訊網站

靈寶無量度人上品妙經卷之四十一 字一
五行備足生靈壽域品

道言昔於大羅浮光天中妙安飛真大善極
土受元始度人五行備足生靈壽域元量上
品元始天尊當說是經周回十過以召十方
始當詣座天真大神上聖高尊妙行其人無
駭敷衆乘空而來紫煙散景流雲交映仙歌
合奏神風靜籟絳車彩蓋寶網瓊軒三素玉
光九華窈窕洞煥太空七日夜諸天宮殿
日觀月扉星網含次斗宿經羅璇璣玉衡泊
然停景神煙散蕩山海巖雲天無浮氣八景
明清一國地土山川林木緬平一等無復高
下土皆作紺玉無有異色丹彩青明函影轉
照衆真侍座

元始天尊玄坐空浮五色獅子之上說經一
徧諸天大聖同時稱善是時一國男女安壽
超逸五行之氣大備大足無有傷殘說經二
徧慶雲昭瑞惠靈敷空說經三徧萬寶呈祥
五行昌順說經四徧神鍊心通民無疾病說
經五徧天霽寶蓮真仙化立說經六徧玉嬰

白骨成人五星之精感降身形運備氣足生道永固紫脉纏腦赤筋霜髓枯朽更還至學之士誦之十過則五帝侍衛三界稽首魔精喪眼鬼伏滅真濟度垂死絕而得生所以爾者學士知五氣之用補缺平勝續絕延生運極化源知生之幾得道之本雖備未足穢氣未消體未洞真召制十方威未制天政德可伏御地祇束縛魔靈但却死而已不能更生經誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量為萬道之宗魏魏大範德難可勝

修誦是經皆即受度飛昇南宮南宮為六氣五運之天非其位則邪當其位則正五行備足得昇南宮朱陵之府降正其之氣入身得仙世人受誦則延壽長年備則不足則不極一切生靈能盡此道則壽域定算後皆得作尸解之道魂神暫滅不經地獄即得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳經泄漏慢狹及九祖長役鬼官侍經五帝玉童玉女各二十四人營衛神文保護受經者身

經天道澄清大地安寧心契至真克獲飛昇魂神澄正萬惡長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當着浴沐浴着戒入室東向叩齒三十二通上關三十二天心拜三十二過閉目靜思身坐青黃白三色雲氣之中內外皆冥有木九火三土一金七水五二十五真侍衛左右日月照明星輝耀項生圓象光映十方如此分明審呪

無上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啓所言今日吉慶長齋清堂修行至經無量度人願所啓上徹徑御

無上三十二天元始上帝至尊几前

引經三十二通東南誦經

元始無量度人上品妙經

元始洞玄靈寶本章五行備足生靈壽域十
 回度人六氣五運合會飛昇太虛寒廓摩立
 元根神靈浮景大化生音三玄降鍊無象無
 形八垣舒光陰復陽明剛柔相勝皇道乃旋
 玉機飛輪流演萬天丹輝晶瑩正炁綿綿太
 玄帝一開生御圓皇上素耀普受真符青簡
 綠字鳳紐靈書七神啓輝備足五行經緯交
 絡輪轉四虛魏魏玄景萬聖之居中有廣寶
 校錄之君中有長壽應運之尊中有麗陰仙
 錄之其中有齋單變氣丈人中有葛籙閻風
 司執元化統御萬道延壽專神降寶鎮獄無
 量度人今日敷教諸天臨軒

東方无極開生神王長生大聖无量度人
 南方无極化育神王長生大聖无量度人
 西方无極玄變神王長生大聖无量度人
 北方无極持德神王長生大聖无量度人
 東北无極隱妙神王長生大聖无量度人
 東南无極泰幽神王長生大聖无量度人
 西南无極冲氣神王長生大聖无量度人

西北无極合道神王長生大聖无量度人
 上方无極廣運神王長生大聖无量度人
 下方无極定鎮神王長生大聖无量度人
 十方至真立極神王長生度世无量大神並
 乘流颺翠車華蓋紫蓋飛輪驟駕龍虎道從
 風雲建丹光之節靈鳳黃旗左列九天寶器
 右陳八景真文神印朱符收攝萬枝天網前
 驅七元後從四極十華讚詠而來天經明耀
 召靈度仙鬱單翊相大洞高真青華上佐萬
 始先生總領圖籍來詣帝軒隨劫開建嚴校
 五行持紐運機使氣無傾大劫交周同會河
 源促召鳥母役御蛟龍陀丘億眾下守崑山
 灌注東井通導水津洪波浩蕩風淵九重數
 殆百六陰極歸陽金玉化銷六合冥冥五常
 返復水火推遷延康既往蕩穢除姦高仙下
 降披度種民長安太虛遊宴上玄赤光開圖
 三象復明吾儕群類乃降玉章以命五老安
 鎮長存茫茫萬有統以三官生正五嶽上列
 五神元和備足形具乃生受道真妙皆獲長
 年永斷勝伏剋傷之數道遠來宮飛天太丹

太丹之天天帝圓羅混合之境梵行

東方八天
 太極玉微天 帝聖慈明
 朱英英鸞天 帝淨輝元霄
 思佑太和天 帝崑都仇瀾
 至正廓常天 帝相闕觀生
 寥震散神天 帝肇敷蒙儲
 徧景輝華天 帝求時衍疆
 樂淵鏡皇天 帝超度幽明
 皓輝慶名天 帝總監韓司

南方八天
 洞覺合帝天 帝虛陳妙依
 玉元澄至天 帝景伯孫
 梵光靜真天 帝泰初止騫
 照理極炎天 帝虛神管魂
 九帝辨宗天 帝陰君露通
 太丹冲基天 帝鬼祖登
 逸用變神天 帝徽靈轉蹊
 藏氣化仙天 帝領真監

西方八天

101) A 07-6

大委顯光天	帝素明耀羅
紫宸大元天	帝子寶竈門
夜光含液天	帝朱華正典
感宓凝金天	帝瓊池祥延
麗澤正爾天	帝鬼化奇都
玉淵麗初天	帝晶齊演山
崇仁振幽天	帝魂度陵
照胎化真天	帝蕩元伯康
北方八天	
太上真化天	帝絳氣玉華
造玄速揚天	帝重明仙
軫翼司赫天	帝鍊神超雲
直泉閱崇天	帝黎松淨空
燕和納嘉天	帝宗冥祈修
淵光元淨天	帝四登朗期
瓊聖紫霄天	帝無常居
洞波混溟天	帝震歷五輪

三十二天三十二帝諸天隱諱諸天隱名天
 中空洞自然靈童諸天隱韻天中之音天中
 之尊天中之神天中大魔天中之靈八遷四

經合并太清玄運之度變化有常流演三華
 普育生民升騰兩曜灌錄五行正綱執紀以
 化萬靈使氣備足壽域無傾七九相結大小
 相交大輪運化經緯幽寥周還四精回度扶
 搖天開地闢梵炁流焱五神飛光萬類肇形
 禹坎化真咸契生成丹靈玄切蒼宮浩清今
 日欣慶建立三景騰輝鎮安地紐旋斡天維
 超昇玉闕位列太微大魔監察明啓元機歲
 星守肝太白檢肺焚氣正心辰耀輔腎鎮星
 定脾布天威令始老發生皇老保命真老降
 氣玄老闕性元老四據萬境以正九氣仙王
 總校圖籙三炁仙王攝御養育七氣仙王司
 執殺伐五氣仙王肅清蕩滌一氣仙王坐鎮
 天闕五方上真化天稱尊飛行八極總領神
 兵為道元輔持握四溟遏絕邪源除蕩妖氛
 威光下濟周徧十方雷電爭激風火施張萬
 景保安造化寧康息滯其固並獲長生快宣
 大範告命普聞五神協慶列象文明大殺豁
 落陰斗書名攝召六天考校雲營百邪摧伏
 氣合真仙炁精攝威淵埋持權生靈安奉壽

域永延元始符告勅命天官不容隱違開導
 冥關幽沉群類俱遂昇遷三元上佐列表
 上玄
 開天御曆龍耀剛風黃素數真太合玄空上
 輪元斗下立靈官飛神化育梵炁成文渺渺
 洞泉無極冥冥天闕運轉群品流形元造億
 劫溟泮鴻濛赤光啓明混洞冲融泰清遠遊
 杳杳無窮靈寶設象萬化之宗太微九道皇
 極彌隆上元浩立大洞玉篇三十九皇赤書
 寶章普植百神永鎮十方常安太虛正憲宜
 揚優璘執試萬景舒先玄網調攝位列高真
 其中上靈金闕輔臣揮霞紫房御氣太霄流
 音景廷合範清譚雲營定質爰方扇颯鬱察
 圓羅召命玉宸玉宸降氣自然化生生道妙
 微徊風帝尊雄一元父雌一元君混結交變
 成育五行五行御運六氣迭興素精金華萬
 和成仙靈威洞照明煥九天真光下濟開闢
 幽關太陰曹局黃關洞淵東道威令勅告九
 官九官列奏上聞諸天考校罪福宿命因緣
 不得差忒戒教明宣普受開度成獲升遷遂

升太極書名玉京玉京之上各有生門中有五行空洞之音魔王靈童辭參高真

第一飛仙讚歎五行備足之音

元始闢圖 生育陰陽 二象既成

七耀飛光 冲和布靈 萬物無傷

安鎮五山 地久天長 至覺體道

與氣合併 水火升降 光照華京

上下往來 流運胎律 百神混結

徊風返生 飛行玉闕 坐觀十方

採集雙華 灌鍊黃房 五行備足

保天無傾 役使百魔 我道澄清

第二真人吟誦生靈壽域之章

龍漢眇眇 回度三華 降生靈方

受氣鬱羅 茫茫貪欲 沉溺愛河

浩劫迷所趣 安能出輪迴 大魔攝汝形

遊魂逐氣歸 既已背正道 受生知何依

汨沒三途中 空使天仙悲 豈知造化心

均壽何有期 十部洞玄篇 以為登真基

一悟長生道 靈府廓爾開 運身入太虛

合體皆仙飛

第三高真宣示超出五行成道歌曰

差我鬱察山 玉宸誕茲薇 託靈洪氏胞

幽栖經億劫 得遇虛皇尊 開演靈寶法

鎮天永不傾 怡然坐金闕 濟度無量衆

降神居斗極 把握天地機 經緯環拱立

素靈秉朱旒 青皇建金鉞 逍遙度赤光

玉文當一出 群品之有生 五行皆備足

數極反歸無 誰能定生滅 學真諸仙民

胡不奔日月 一誦飛天書 大劫可超脫

遊宴無何鄉 億天歡且悅

此三界之上飛空之中仙真歌音參洞章

誦之百徧各度南宮誦之千徧魔王保迎萬

徧道備飛昇太空過度三界位登仙公有聞

靈音魔王敬形教制地祇侍衛送迎拔出地

戶五苦八難七祖昇遷永離鬼官魂度朱陵

受鍊更生是謂無量普度無窮有秘上天文

諸天共所崇世慢墮地獄禍及七祖翁

道言此二章並是諸天上帝及至靈魔王隱

秘之音皆是調劑五行不相剋伐運備氣足

招降和氣使生靈之命補斷續絕生生不窮

福祉荐至壽域綿遠元始飛玄之氣結為洞

章大梵之言非世上常辭言無韻麗曲無華

宛故謂玄奧難可尋詳上天所寶秘於玄都

紫微上官依玄科四萬劫一傳若有至人齋

金寶質心依舊格告盟十天然後而付焉

道言夫天地運度否終日月五星虧盈至聖

神人休否末學之夫疾傷皆非五行備足故

為災殃凡有此哉同氣皆當齊心修齋六時

行香十徧轉經福德立降消諸不祥無量之

文普度無窮

道言夫末學道淺或先仙品未克運應滅度

身經太陰五行之氣未備未足金木盜精水

火伐氣土漬金鎔神為之遠距過之時同學

至人為其行香誦經十過以度屍形如法則

五星氣協神精完滿備足之運運生於身魂

神徑上南宮隨其學功計日而得更生輪轉

不感便得神仙

道言夫天地運終星宿錯度日月失昏四時

失度陰陽不調國境災癘兵氣犯斗疫毒流

行兆民死傷師友命過同學殞逝皆五運大

小之殊履非其道乖備足之福亦當修齊行香誦經夫齋戒誦經功德甚重上消天災保鎮帝王下穰毒害以度兆民生死受賴其福難勝故曰無量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人剋得為聖君金闕之臣諸天記人功過毫分無失天中魔王亦保舉爾身得道者乃當洞明至言也諸天中大梵隱語無量音 道君撰

元始靈書中篇

東方八天

- 玄密珠穴 洞杳霞津 機運水火
- 龍浮妙梵 混合神真 無英華紳
- 白元錦綉 帝一虎中 素景回黃
- 散房成雲 雄雌氣溢 五露繽紛
- 儀璘交煥 中池帝君 朱衣碧冠
- 紫煙四屯
- 南方八天
- 生命固壽 五老乘昆 飛光漸海

金液法注 羅阿重冥 東無太宸
倏忽萬化 靈根自新 慎諱天禁
得知寸深 郁玄上都 瓊祚蕭森
踏白履虛 鳳旛寶輪 玄智神停
生死流塵

西方八天

守不知知 至道冥冥 離邊去思
神霄有門 端待至空 空為生尊
神運意鑑 三一常明 玉書寶章
大梵罔輪 結閣勿露 自然成真
真魔鬼神 走撤驅氛 備道足數
生靈保身

北方八天

壽實天福 納錫種民 九韶法纓
巨濫無求 攬綠泛景 浮露洛臺
育蓋竺萌 日導月付 變質龍靈
東會南閭 靜有玄評 吳奔連度
那韓上京 奏錄度楫 元皇妙洗
恢澤輔忱

道言此諸天中大梵隱語無量之音舊文五

老上帝刺普五星玉闕以正分度降備足之氣壽彼生靈字皆廣長一丈天真皇人昔書其文以為正音有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大魚魔王保舉高真道備剋得遊行三界升入金門此音無所不辟無所不穰無所不度無所不成天真自然之音也故誦之致飛天下觀上帝遙唱萬神朝禮三界侍軒群杖束首鬼神精自亡琳琅振響十方肅清河海靜照山嶽吞煙萬靈根伏招集群仙天無氛穢地無秋塵冥懸洞清大量玄玄也

元始无量度人上品妙經卷之四十一